



Notekwa
Kuzaarwa
Obwakabiri!

Yesu n'atugambira omungiri ya Yohaana 3:3 ati omuhanda gumwe gwonka ogw'okuza omwiguru nikwo kuzaarwa obwakabiri. *"Yesu yaamugarukamu ati: Buzimazima ninkugambira nti: omuntu, ku aba atazairwe bwa kabiri, tobaasa kureba bukama bwa Ruhanga."* Omuri Yohaana 3:4, Nikodemu tiyayetegyereza eki Yesu arikugamba, kandi yateekateeka ngu nateekwa kuzaarwa obwa kabiri omumubiri. Ahabw'ekyo Yesu yatandika kumushobororera omutano oguri ahagati yokuzaarwa omurundi ogwokubanza na n'ogwakabiri.

Omutaano oguri ahagati yokuzaarwa okwokubanza na n'okwakabiri:

Yohaana 3:5 nirugira *"...omuntu ku aba atazairwe maizi n'omwoyo, tabaasa kutaaha mu bukama bwa Ruhanga."* Yesu aha nagira ngu omuntu natekwa kubanza yazaarwa n'amaizi. Oku nokuzaarwa okw'omubiri. Ku orabe noshoma akapapura aka ekirikumanyisa okazaarwa n'amaizi. Abaana omunda ya banyina baba bari omunshaho y'amaizi. Nahabw'ekyo omwaana weena natekwa kuzaarwa kuruga omumaizi. Oku nikwo kuzaarwa okw'okubanza.

Abantu abandi babanyadiini nibagyezaho kugamba ngu okuzaarwa "amaizi" n'okubatizibwa. Baitu omurunyiriri oru tihariho aharikugamba ekigambo "kubatizibwa". Nirugamba "okuzaara" ninga "okuzaarwa" emirundi 8. Nagambaho okuzaarwa okwomubiri na n'okwomwoyo ti kubatizibwa. Kandi agaruka agamba ngu omuntu natekwa kuzaarwa omwoyo. Okuzaarwa oku okwakabiri n'Okwomwoyo Orikwera. Okuzaarwa okwa kabiri no kw'omwoyo.

Katweyijusye - kurugirira omuri Baibuli, okuzaarwa okwokubanza n'okwomubiri kandi okuzaarwa okwakabiri n'okwomwoyo.

Yesu eki nakigamba omurundi gundi omurunyiriri 6, *"Ekizaarwa omubiri kiba omubiri, n'ekizaarwa omwoyo"*

kiba omwoyo.” Okuzaarwa okwokubanza kuba okwo mubiri (omubiri) okuzaarwa okwakabiri kuba okw’omwoyo (okwomwoyo).

Omurunyiriri orwa 8, natugambira entaniso endijo ahagati yokuzaarwa okwemiringo ebiri. *“Omuyaga guhuuha niguruga ei gurikwenda, iwe ohurira okuhuuha kwagwo, kwonka tomany eigurukuruga, n’obu yaakuba ei guri kuza; n’ozairwe omwoyo weena nikwo aba.”* Yesu naherezayo eky’okureeberaho eky’omuyaga. Nitureba ebyomuyaga gukozire ninga ebirugire omumuyaga kwonka timuyaga. Yesu nagira ngu omuntu azarwa omurundi ogwa kabiri omumuringo nigwo gumwe. Tobaasa kukireeba nikibaho. Omuntu ku azaarwa omurundi ogwo’kubanza (omumubiri) nobaasa kukireba nikibaho, kwonka omuntu ku azaarwa obwakabiri (omumwoyo). Yesu nagamba ngu torikubasa kukireba nikibaho. Nobasa kureba omuntu arikubatizibwa ninga kuminsirwa? Eego! Okwo tikuzaarwa omurundi ogwa kabiri. Nobaasa kureeba omuntu nakora ebikorwa birungi ninga natebwaho emikono? Eego! Okwo tikuzaarwa obwakabiri.

Noreeba, okuzaarwa omurundi ogwa kabiri nikibaho omumutima. Abarooma 10:9,10 nirugira, tuti: *“Ku oryatura n’akanwa kaawe oti, Yesu niwe Mukama waikiriza n’omutima gwawe ku Ruhanga yamuzoire omubafu, oryajunwa; Ahakuba omutima nigwo omuntu aikiririsa akaheebwa okuhikiirira, kandi akanwa niko ayatuzaakahebwa okujunwa.”*

Oku omuntu arikuzaarwa obwakabiri

1. Kuzaarwa omurundi ogwakabiri notekwa kubanza wa. Yeteisa ebibi byawe. *“Nimpamiza Abayudaaya n’abagriika okweteisiza Ruhanga, n’okwikiriza Mukama waitu Yesu Kristo.”* (Ebyakozirwe 20:21) Okweteisa tikushaba kuganyirwa kwonka okweteisa nokuhinduka kuruga omubibi byawe okahindikira Ruhanga

2. Kandi notekwa kwikiriza omumutima gwawe ngu Yesu akafera ebibi byawe, yaziikwa, kandi yazooka. *“Ahakuba oku nikwo Ruhanga yaakunzire atyo ensi, akahayo omwana we omwe nyamunegyere, ngu omuntu weena ori kumwikiriza arekye kuhwerekyerera, kureka atungye amagara agatahwaho.”* (Yohaana 3:16) Tikugamba bugamba ngu noikiriza omuri Ruhanga. Kwonka n’omwikiriza omumazima n’omutima gwawe. Kwikiriza nomutima gwawe n’okumwesiga kukujuna otakozire omurimo ninga ekintu ekindi kyoona.

3. Kandi notekwa kushaba Yesu okukujuna nikwo obase kutunga ekiconco ky’okujunwa. *“Ahakuba omuntu weena otakira eziina rya Mukama aryajunwa.”* (Abarooma 10:13)

Nobasa kushaba eshara nk’egi: Orikukundwa Yesu, nimanya ngu ndi omusiisi nshemereire geehena. Nimanya ngu tindikubasa kwejuna. Ninyeteisa ebiibi byangye kandi ninkuhindikira. Ninyikiriza ngu okanfera aha musharaba ahabw’ebiibi byangye, wazikwa kandi wazooka. Ninkushaba kwija omumutima gwangye kandi onjune. Amiina.

Baitu oijukye ngu kugarukamu bugarukamu eshara egi tikibaasa kukukujuna. Notekwa kukikiriza omumutima gwawe!!



FELLOWSHIP TRACT LEAGUE

P.O. BOX 164 • LEBANON, OH 45036

www.fellowshiptractleague.org © Tract 8620 (Runyankole)

All tracts free as the Lord provides. Not to be sold.